



Bentiaraq Ottosen

UPA 2026/49-1

Atassut

5. Maj 2026

Imaatigut ajunaarnernik, isumannaallisaanermik misissuinerit pillugit inatsimmik Kalaallit Nunaannut atuutilersitsinissaq pillugu peqqussummik, Namminersorlutik Oqartussat akuersissuteqarnissaannik Inatsisartut aalajangiiffigisassaattut siunnersuut

(Ineqarnermut, Attaveqaasersuutitut, Isorliunerusunut Upalungaarsimanermullu Naalackersuisoq)

Siullermeenera

Atassummiit Naalackersuisut siunnersuutaanut soqutigintartumut qujavugut, maluginiarparpullu saqqummiunneqartut imarisai soqutigintartortaqarluinnartut nunatsinni isumannaallisaaneq upalungaarsimanerlu pillugu ineratortitsinissamut siunertanut ikaarsaarnissaq pingaaruteqartoq saqqummiunneqarmat.

Atassutip pingaartilluinnarpaa nunatsinni imaatigut angallannermi isumannaallisaanissamut tunngasut ineriartortinneqarnissaat, qulakkeerumallugu inuiaqatigiit toqqissisimallutik imaatigut angallannissaat. Taanaanaangilarli aamma nunakkut angallannermi isumannaallisaanissaq silaanartatsinnilu isumannaallisaanissaq qulequtaq pingaarutiliusoq ersarissarnissaa kissaatigilluinnaratsigu.

Kalaallit Nunaat isorartuupilussuvoq avatangiiserput peqqarniisnaasaqaaq, tamatigulli puigorneqartuortoq tassaavoq pisortat upalungaarsimanikkut periusissiaqarnissaat. Soorunalimi ajunaarnersuaqartillugu sulianik ataqtigiisaarisartut suliarisartagaat ataqtigiisarluarneqartartut ilisimalluarpagut, aamma upalungaarsimanikkut sullissisut qutsavigaagut suliat oqimaatsut kivittarmassuk, taamaattorli nunatsinni amigaatigaarput pisortat akunerminni upalungaarsimanikkut periusissiaat. Nunami oqartussaasuseqarnitsinni qulakkeertussaavarput inuit toqqissisimallutik nuna tummisartik najorlugu kiffartuuneqarnissaat, taamaattumik Atassummiit nalilersuinitanni tamakkua qaqippagut ineriartorfiusinnaasut ujartorlutigit.

Imaatigut isumannaallisaaneq kisimi eqqartorneqanngilaq, upalungaarsimanikkut ineriartortitsinissaq pingaarutiliuvoq. Inuit atuisuusut pitsaasumik kiffartuuneqarnissaat angujumallugu siunertaqarnissarput qulakkeerneqassammat. Atassummiit upalungaarsimanikkut politikkeqarpugut ineriartortitsinissamik siunertaqartumik, atortutigut pitsaanerulersitserusuppugut, taamaattumik Naalagaaffeqatigiinermi nukissagut atorlugit ineriartortitsinissaq anersaaraarput. Assortorneqarsinnaasarpugut kisiat suleqateqarnissaq anersaaraarput, taamaattumik qulakkeerusulluinnarparput nunatsinni oqartussaaffigut ineriartortinnissaanut aningaasaliinikkut periarfissat ujartorneqartuarnissaat. Inuk kiffartuuneqartoq isumannaatsumik inissisimanissaa pingaartikkatsigu, aammalu ajunaarnersuarnik suliaqartartut atugassarititaat pitsaanagerusariaqarnerat oqariartuutigiuaratsigu.



Tusarniaaneq annerusooq amigaatigaarput, ilisimalluaratsigu kommunini atortutigut kinguusaqqaneq. Nalunngilarput uani kisimi eqqartorneqanngitsoq imaatigut angallannermi isumannaallisaaneq, uanili eqqartorneqartoq tassaammat ajunaarnersuarnik suliaqartartut (Havarikommission) taakkuli suliarisarpaat upalungaarsimanikkut suliaassat. Taamaattumik eqqumaffigineqarnissaat pingaaruteqarpoq eqqartorneqarnissaa, amigaateqarpugut nunatsinni upalungaarsimanermi pisortat upalungaarsimanikkut tamakkiisumik periusissiaanik, tamanna kaamattuutigaarput Naalakkersuisunut suliareqqullugu ataasiakkaanik upalungaarsimanikkut periusissiaqarneq kisimi ersarimmat.

Taama oqaaseqarluta Naalakkersuisut siunnersuutaat taperserparput, kisianni aapassaaneerneqartigani ataatsimiititaliami susassaqartumi qulaajagassat siunertarineqartut pillugit suliarinninnissaq pingaaruteqarmat innersuullugu inassutigaarput.